

جریدہ علیہ

مشتت جلیلہ اسلامیکہ جریدہ رسمیه سید

۱۰ رجب ۱۳۳۸ و ۳۱ مارت ۱۳۳۶

عمر ۵۷

اون بش کونده بر نشر اولنور

بشجی سنه

فتاویٰ شریفه

عقدہ توکیل

هند نفسی زیده شو قدر آچہ مهر ایله تزویجہ عمروی توکیل ایتدکنه نکره عمرو
شهود محضر لرنده زیده هندی اول قدر آچہ مهر ایله سکا ویردم دیوب زید دخی آلم
دیسہ نکاح منعقد اولور می الجواب اولور .

*
**

فسخ عقد

هند بالغه نفسی مهر مثلیله کفوی زیده تزویج ایلسه هندک باباسی عمرو اذنم بولنمادی
دیو عقد مزبور می فسخه قادر اولور می الجواب اولماز .

*
**

شاهد واحد حضورنده عقد

زیدک هندی تزوج ایتدیکی مجلس عقدده زید وهنددن غیری آنجق عمرو حاضر
اولسه عقد مزبور صحیح اولور می الجواب اولماز .

*
**

طلب مهر

هند زوج مطلق زید ذمتنده اولان شو قدر آچہ مهری زیددن طلب ایتوب زیدک

باباسی عمروه مجرد باباسی اولمکه مبلغ مزبوری مالکدن بکا ادا ایله دیو جبره قادره اولورمی الجواب اولماز .

*
**

هند صغیره یی ولی اقربی زید مهر مثلیله کفوی عمرو صغیره تزویج ایدوب عمروک باباسی بکر دخی قبول ایتدکنصکره عمرو فوت اولوب مالی اولماسه بکر مهره ضامن اولمش دکل ایکن هندک وصیسی بشر بکره مجرد عمروک باباسی اولمکه هندک مهرینی مالکدن ادا ایله دیو جبره قادر اولورمی الجواب اولماز .

*
**

رضاع

زید رضاعاً قیز قرنداشی هندک نسباً قیزی زینی تزوج جائز اولورمی الجواب اولماز .

*
**

طلاق

زید فلان فعلی ایشلرسم عورتم اوچ طلاق بوش اولسون دیدکدنصکره زید اول فعلی ایشلمدین زوجہ سی هندی بر طلاق ایله تطلیق ایدوب عدتی منقضیه اولدقندنصکره زید اول فعلی ایشلیوب بعده هندی تزوج ایلسه زید اول فعلی ینه ایشلیجک شرط مزبورہ بناءً هند زیددن اوچ طلاق بوش اولورمی الجواب اولماز .

*
**

جنون مطبق ایله مجنون اولان زید زوجہ سی هندی اوچ طلاق ایله تطلیق ایلسه طلاق واقع اولورمی الجواب اولماز .

*
**

زید هندی شوقدر غروش مهر تسمیه سیله تزوج ایتدکنصکره خلوت صحیحہ واقع اولوب لکن زید عنین اولمغله وطئه قادر اولیوب بعده هندی تطلیق ایلسه هند مهر مسیای تماماً زیدن آلمغه قادره اولورمی الجواب اولور .

*
**

مهریم

زید زوجه سی هنده شمدنصکره قیز قرنداشم اول دیسه حرام اولوق مراد ایدیجک
هند مبانہ اولورمی الجواب اولور .

بوصورتده طلاق اخیر اولمایجق زید هندی رضاسیله بالاحله تزوجه قادر اولورمی
الجواب اولور .

*
**

زید زوجه سی هنده قیز قرنداشم اول دیوب نسه نیت ایلسه بویله دیمکله هند بوش
اولورمی الجواب اولماز .

*
**

نسب

زید زوجه مدخول بهاسی هندی باینا تطلیق ایدوب بعده عدتی ایچنده نفسی
عمروه تزویج ایدوب عمرو دخی هندی وطی ایتدکنصکره هند زیدک تطلیقندن ایکی
سنه دن اقلده برولد کتورسه اول ولدک نسبی زیددن ثابت اولورمی الجواب اولور .

*
**

تبی

زید مولدنده مجهول النسب اولوب کندویه نسباً اوغل اولغه صالح اولان عمرو
ایچون بنم اوغلندر دیوب عمرو دخی تصدیق ایدوب بعده زید فوت اولوب اوغلی بکری
وقیزی هندی ترک ایلسه عمروک نسبی زیددن ثابت اولوب بکر وهنده ارثده مشارکتله
حصه ابن آلغه قادر اولورمی الجواب اولور .

*
**

نفقه طالب علوم

طلبة علوم شرعیه نك صلاح و ارباب استعدادندن اولوب تحصیل علوم نافعیه اشتغالی
سبیلله کسبدن عاجز اولان زید کییر فقیرک نفقه سی باباسی عمرو موسر اوزرینه لازم
اولورمی الجواب اولور .

*
**

تولیت

تولیتی واقفک بطناً بعد بطن اولادنه واولاد اولادنه مشروطه وقفک تولیتنه واقفک اولادندن بطن اولدن اولان زید متصرف ایکن زید تولیتی اجانبدن عمروه فراغ ایتد کدنصکره زید فوت اولوب نوبت تصرف واقفک اولادندن بطن ثانیدن اولان بکره کلسه بکر تولیتی عمروه ضبط ایتدرمیوب شرط واقف اوزره کندی ضبطه قادر اولورمی الجواب اولور .

*
**

نصب امام

زید امامک اقتدای منافی سوء حالی اولمغله جماعتی زیده اقتدادن استکراهلرینی حاکمه اعلام ایتد کندنده حاکم زیدی عزل ایدوب یرینه برمتدین کمسنه بی امام نصب ایتد کده قادر اولورمی الجواب اولور .

*
**

بیع فضولی

زید هندک ملک منزلی فضولاً عمروه بیع وتسلیم ایتد کدنصکره هند بیعی مجیزه اولمدین فوت اولسه هندک ورثه سی منزل مزبورى عمرودن المغه قادر اولورلرمی الجواب اولورلر .

*
**

مشترك مزروع تخمك اقتسامی

زید فوت اولوب اوغللری عمروه وبکر ایله قیزی هندى ترك ایتد کده تركه زیدی اقتسام ایتیموب عمروه وبکر هندک اذنیله جمله سنک طاپو ایله علی الاشتراك متصرف اولدقلری تارلادم تركه دن بینلرنده مشترك اولان تخمی زرع ایدوب شوقدر محصول حاصل اولدقدده اول محصولی للذکر مثل حظ الانثین اقتسامه قادر اولورلرمی الجواب اولورلر .

*
**

وعد تسویه دین

زید عمروه بکر ذمتنده قرضدن اولان شوقدر آچه حقکی بن ویرهیم دیو وعد ایلیوب مجرد بویله دیمکله مبلغ مزبوره کفیل اولمش اولورمی الجواب اولماز .

وقف

زید تحت اجاره سنده اولان وقف عرصه ده متولی اذتسنز کندی مالیه نفیسی چون بنا احداث ایلسه اول بنا مستحق القلع اوله رق زیدک ملکی اولورمی الجواب اولور.

* *

ودیعه

زید شوقدر آچقه سی عمروه ایداع وتسلیم ایتد کد نصکره عمرو مبلغ مزبوری امین اولان قزی هنده حفظ ایچون ویروب هند دخی حفظ اوزره ایکن مبلغ مزبور هندک تعدی وتقصیر نسز سرقه اولنوب ضایع اولسه عمروه یا هنده ضمان لازم اولورمی الجواب اولماز.

* *

میراث

هند فوت اولوب انجق زوجی زیدی ترک ایتد کده ترکه هندک نصفی زیده ویریلوب نصف آخری بیت الماله وضع اولنمق لازم اولورمی الجواب اولور.

* *

میراث غیر مسلم

تبعه دولت علیه اسلامیه دن غیر مسلم اولان زید فوت اولوب زوج سی هند سی وتبعه مشار الیه دن غیر مسلم اولان قیزی زینبی ترک ایتد کده ترکه زید سکز سهمدن اولوب بر سهمی هند یدی سهمی زینبه ویرلسه صحیح اولورمی الجواب اولور. بوضورتده زیدک فوتندن مقدم شرف اسلام ایله مشرف اولان قیز قرنداشی دخی زیده وارث اولورمی الجواب اولماز.

* *

وصیت

زید مرض موتنده آزادلو قوللری عمرو و بکره یوزر غروش وصیت ایتد کد نصکره. زید وصیت مزبوره دن رجوع ایدوب بعده فوت اولسه عمرو و بکر وصیت مزبوره یه بناء ترکه زیددن نسنه المغه قادر اولورلرمی الجواب اولمازلر.

* *

زید عمروه فوتد نصکره تجهیز و تکفینمه شو قدر غروش صرف ایله دیو وصیت

ایدوب مصرآ فوت اولسه عمرو مبلغ مزبورى قدر معروف اولیجق زیدك تجهیز وتكفینه
صرف ایتمه قادر اولورمى الجواب اولور .
كتبه الفقير اليه تعالى ابراهيم الحيدري
عنى عنه

تصحیح :
جريدة علمیه نك (۵۵) نهى نسخه سنك برنجى صحیفه سنك ایکنجی فتواسنده ترتیب سهوى
اوله رق واقع اولان « تزوج ایتك جائز اولورمى الجواب اولماز » یرینه « الجواب اولور » اوله جقدر .

فتواخانه عالییه وقوعبولان مراجعات رسمیه اوزرینه اعطا اولنان

اجوبه شرعیه

نوشهر قاضیلکنندن ۲ ربیع الاول ۳۳۸ تاریخنده ورود ایدن بر کیسه جمیع مالیدن
بر اوغل حصه سی حیدلرم عمرو و بکره و یرلسون دیو وصیت ایتمه وصیتند بر اوغل
حصه سی کبی حصه و یرلسون دیمیوید بر اوغل حصه سی و یرلسون دیمش اولمسندن
وصیت مذکوره نك شرعاً صحیح اولوب اولیه جفته دائر واقع اولان سؤاله جوابدر .
§ مآلنه نظراً وصیت مذکوره متوفای مزبورك حیدلری مومی الیها ورثه دن اولدقلری
تقدیرده مطلقاً . ورثه دن اولما دقلری صورتده آنجق ثلث مالدن زیاده ده ورثه سائر نك
اجازت لرینه موقوفاً صحیح اولور اولبابده ۴ ربیع الاول ۳۳۸

* *

آقشهر قضاسی مفتیلکنندن ۱۶ ربیع الاول ۳۳۸ تاریخنده فتوا خانیه ورود ایدن
اجیر مشترک ضمان بالنصف لازم کلدیکی صورتده ضمان مذکور ایله برابر اجیر مشترک تعدی
وتقصیر ایتدیکی حقه ده یمین لازم کلوب کلیه جکنه دائر واقع اولان مع الثقل سؤاله جوابدر .
§ اجیر مشترک تعدی وصنیله یدنده مستأجر فهك تلف اولدیغنی موجرادعا و دعواسنی
بالینه اثباتدن اظهار عجز و اجیرك یمینی طلب ایتدیکه اجیر مزبوره یمین توجه ایلز و بوکا
نقل اوله رق « الینه علی المدعی الخ » اساس فقهیسی کوستریله جکی معروضدر اولبابده
۷ جادی الاولی ۳۳۸

* *